

Broj: 01-01.3-11690-7/24 KA

Datum: 28.01.2025. godine

Na osnovu člana 70. stav (3) Zakona o javnim nabavkama ("Službeni glasnik BiH" broj: 39/14, 59/22 i 50/24), te člana 17. Pravilnika o javnim nabavkama JP Autoceste FBiH d.o.o. Mostar br.: NO- 1.01-3837-12/23 od 12.06.2023. godine i preporuke Komisije za javne nabavke konstatovane u Zapisniku o pregledu i ocjeni ponuda broj: 01-01.3-11690-6/24 KA od 28.01.2025. godine, direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU o izboru najpovoljnijeg ponuđača u otvorenom postupku

I
Okvirni sporazum na period od 3 (tri) godine za nabavku usluga: „Redovno i vanredno servisiranje i održavanje modula visokog pritiska Oertzen HDL 200 s motorom Briggs&Stratton“ u vrijednosti od 23.388,30 KM sa uračunatim PDV-om dodjeljuje se ponuđaču: MANKO velemotor d.o.o. Sarajevo, sa registrovanim sjedištem u ulici Trešnje 62, 71210 Ilidža, Sarajevo IDB: 4200068110002, koji je u otvorenom postupku jedini dostavio prihvatljivu ponudu.

II
Ugovor se zaključuje nakon provedenog otvorenog postupka za koji je dana 03.01.2025. godine objavljeno Obavještenje o nabavci, broj: 266-1-2-1-3-1/25 na Portalu javnih nabavki. U provedenom postupku zaprimljena je 1 (jedna) ponuda te je za istu utvrđeno da ispunjava sve uslove i zahtjeve propisane tenderskom dokumentacijom.

III
U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (1), 17. stav (1), 18. stav (1), 19. stav (1) i 32. stav (1) Zakona, pokrenulo otvoreni postupak broj: 01-01.3-11690/24 KA za nabavku usluga: „Redovno i vanredno servisiranje i održavanje modula visokog pritiska Oertzen HDL 200 s motorom Briggs&Stratton“. Na Portalu javnih nabavki objavljeno je Obavještenje o nabavci broj 266-1-2-1-3-1/25 dana 03.01.2025. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 27.01.2025. godine u 10:30 sati u prostorijama Javnog preduzeća Autoceste Federacije Bosne i Hercegovine d.o.o. Mostar, Hamdije Kreševljakovića broj 19, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da je ponudu blagovremeno predao 1 (jedan) ponuđač.



Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda 01-01.3-11690-6/24 KA od 28.01.2025. godine, koji je sastavni dio ove Odluke.

Shodno prijedlogu i preporuci Komisije za nabavke, koji je ugovorni organ prihvatio, okvirni sporazum na period od 3 (tri) godine za nabavku usluga: „Redovno i vanredno servisiranje i održavanje modula visokog pritiska Oertzen HDL 200 s motorom Briggs&Stratton“ u vrijednosti od 23.388,30 KM sa uračunatim PDV-om dodjeljuje se ponuđaču: **MANKO velemotor d.o.o. Sarajevo**, sa registrovanim sjedištem u ulici Trešnje 62, 71210 Ilidža, Sarajevo, ID broj: 4200068110002, koji je u otvorenom postupku jedini dostavio ponudu, a koja je prihvatljiva.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od deset (10) dana od dana prijema ove Odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda: 01-01.3-11690-6/24 KA od 28.01.2025. godine;

**Izvršni direktor
sektora za upravljanje i održavanje:**

.....
Mirko Rogić, dipl.iur.

Direktor:

.....
Denis Lasić,



Dostaviti:

- ponuđaču koji je predao ponudu
- a/a

(Handwritten mark)

Broj: 01-01.3-11690-6/24 KA

Datum: 28.01.2025. godine

U skladu sa članom 65. Zakona o javnim nabavkama („Službeni glasnik BiH“, br.: 39/14, 59/22 i 50/24), te članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 15. Pravilnika o javnim nabavkama JP Autoceste FBiH d.o.o. Mostar, broj: NO-1.01-3837-12/23 od 12.06.2023. godine, Komisija za nabavku imenovana Rješenjem, broj: 01-01.3-11690-3/24 KA od 06.01.2025. godine, sačinjava:

ZAPISNIK O PREGLEDU I OCJENI PONUDA u otvorenom postupku

- a) **Naziv i sjedište ugovornog organa:** JP Autoceste FBiH d.o.o. Mostar;
- b) **Predmet nabavke:** Pružanje usluga: „Redovno i vanredno servisiranje i održavanje modula visokog pritiska Oertzen HDL 200 s motorom Briggs&Stratton“;
- c) **Evidencijski broj nabavke:** 01-01.3-11690/24 KA;
- d) **Vrsta postupka javne nabavke:** Otvoreni postupak sa sklapanjem okvirnog sporazuma na tri godine sa jednim dobavljačem;
- e) **Procijenjena vrijednost nabavke:** 20.000,00 KM (bez PDV-a);
- f) **Broj obavještenja o nabavci sa Portala javnih nabavki:** Obavještenje o nabavci broj: 266-1-2-1-3-1/25 objavljeno dana 03.01.2025. godine;
- g) **Datum početka pregleda i ocjene ponuda:** Komisija je počela sa pregledom ponuda 27.01.2025. godine;
- h) **Naziv i sjedište svih ponuđača, prema redoslijedu zaprimanja ponuda:** Komisija za nabavku za predmetni postupak je utvrdila da je do krajnjeg roka za dostavljanje ponuda blagovremeno zaprimljena 1 (jedna) ponuda i to kako slijedi:
 1. **MANKO velemotor d.o.o. Sarajevo**, zaprimljena 27.01.2025. godine u 09:17 sati, sa ukupnom ponuđenom cijenom u iznosu od 19.990,00 KM bez uračunatog PDV-a.
- i) **Podaci o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata;



- j) Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke: Nema ispravki koje su urađene na način da su vidljive, potvrđene potpisom ponuđača i sa datumom izvršene ispravke.
- k) Analitički prikaz traženih i dostavljenih dokumenata na osnovu kojih se utvrđuje postoje li razlozi isključenja ponuđača:

R. B.	ANALIZA, PREGLED I OCJENA PONUDA	NAZIV PONUĐAČA
	„Redovno i vanredno servisiranje i održavanje modula visokog pritiska Oertzen HDL 200 s motorom Briggs&Stratton“	MANKO velemotor d.o.o. Sarajevo
a.	Kvalifikacioni uvjeti (uvjet/dokaz):	
1.	<p>Lična sposobnost u skladu sa članom 45. Zakona o javnim nabavkama („Službeni glasnik BiH“, broj 39/14, 59/22 i 50/24, u daljem tekstu: Zakon):</p> <p>Uvjet: U skladu sa članom 45. Zakona, ponuda će biti odbijena ako je ponuđač:</p> <ul style="list-style-type: none"> a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan; b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan; c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan; d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan. <p>Dokaz: U svrhu ispunjavanja uvjeta iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije.</p>	+*
2.	<p>Sposobnost obavljanja profesionalne djelatnosti u skladu sa članom 46. Zakona:</p> <p>Uvjet: -pravo ponuđača na obavljanje profesionalne djelatnosti koja je u vezi sa predmetom nabavke, u skladu sa članom 46. Zakona i/ili da su registrirani za obavljanje djelatnosti koja je predmet javne nabavke;</p> <p>Dokaz: -u svrhu dokazivanja prava na obavljanje profesionalne djelatnosti,ponuđač mora dostaviti dokaz o registraciji u odgovarajućem profesionalnom ili drugom registru u zemlji u kojoj je registriran ili da obezbijede posebnu izjavu ili potvrdu nadležnog organa kojom dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije;</p>	+
3.	Izjava o sukobu interesa čl. 52 Zakona (Aneks 7)	+

b.	Ispunjenost uvjeta u pogledu dostavljanja svih potrebnih dokumenata prema sadržaju ponude:	
1.	Pravilno popunjen i potpisan obrazac za ponudu čija forma je data u Aneksu 2 tenderske dokumentacije	+
2.	Pravilno popunjen i potpisan obrazac za cijenu ponude čija forma je data u Aneksu 3 tenderske dokumentacije	+
3.	Izjava o zajedničkoj ponudi ukoliko ponudu predaje grupa ponuđača	n.p.
4.	Kvalifikacioni dokumenti predviđeni tačkom 7. TD: Izjava o ispunjenosti uvjeta iz člana 45. stav (1) tačke a) do d), u skladu sa formom Izjave datoj u Aneksu 5	+*
5.	Ovjerene kopije dokumenata kojima ponuđač dokazuje ispunjenost uvjeta iz člana 46. stav (1) do (2) (dokaz o registraciji ponuđača: izvod iz sudskog registra ili sl.)	+
6.	Obrazac povjerljivih informacija, u skladu sa Aneksom 4 – ukoliko ih ponuđač ima;	Nema povjerljivih informacija
7.	Potpisan Prijedlog okvirnog sporazuma koji je dat u Aneksu 6 tenderske dokumentacije	+
8.	Potpisan Nacrt prvog pojedinačnog ugovora koji je dat u Aneksu 6.1. tenderske dokumentacije;	+
9.	Parafirana i dostavljena svaka stranica Tehničke specifikacije (za okvirni sporazum) – Aneks 8	+
10.	Izjava ponuđača da preduzeće i/ili njegovo odgovorno lice (direktor i/ili vlasnik) nisu na listama koje se odnose na restriktivne mjere – Aneks 9;	+
11.	Ponuda mora biti ovjerena pečatom podnosioca ponude, ako po zakonu države u kojoj je sjedište podnosioca ponude podnosilac ponude ima pečat ili dokaz da po zakonu države u kojoj je sjedište ponuđača podnosilac ponude nema pečat;	+
12.	Ponuda mora biti potpisana od strane odgovorne osobe za predstavljanje ponuđača (navedenom u Izvodu iz sudskog registra, rješenju o registraciji) ili osobe ovlaštene od strane odgovorne osobe ponuđača pisanom punomoći za potpisivanje ponude (u kojem slučaju se uz ponudu prilaže punomoć). Punomoć, u slučaju grupe ponuđača mora biti dana od svih ovlaštenih osoba za zastupanje članova grupe ponuđača;	+
13.	Popis dokumentacije koja je priložena uz ponudu (Sadržaj ponude) .	+
c.	Prikaz prihvatljivosti ponuda prema obliku, sadržaju i potpunosti i ostalih uvjeta iz tenderske dokumentacije	
1.	Uvezana u cjelinu /knjiga, obezbjeđena jemstvenikom/	+
2.	Ponuda napisana neizbrisivom tintom	+
3.	Pravilno numerirana ponuda	+
4.	Ponuda napisana na jednom od službenih jezika u BiH	+
5.	Dostavljena kopija ponude	+
6.	Ispravke u ponudi	n.p.
7.	Računske greške	Nema računskih grešaka
8.	Izmjene/dopune ponude i odustajanje od ponude	n.p.
9.	Izražena namjera podugovaranja	Nema namjeru podugovaranja
10.	Cijena ponude u okviru procjenjene vrijednosti	+
11.	Ispunjenost zahtjeva u pogledu opisa predmeta nabavke i tehničkih specifikacija	+
12.	PRIHVATLJIVOST PONUDE (DA/NE)	DA

Napomena:

- (+) u skladu sa tenderskom dokumentacijom **zadovoljava;**
- (+*) ponuđač uz Izjavu o ispunjenosti uslova iz člana 45. stav (1) tačke a) do d) Zakona u sastavu ponude nije dostavio ovjerene kopije svih zahtijevanih dokumenata kojima dokazuje ispunjenost postavljenih uslova u pogledu lične sposobnosti ponuđača, te je iste dužan dostaviti u roku od 5 (pet) dana od dana prijema odluke o izboru najpovoljnijeg ponuđača;
- (n.p.) **nije primjenjivo;**
- l) **Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:** Nema ponuđača koji se isključuju zbog neispunjavanja uslova za kvalifikaciju;
- m) **Podaci o pojašnjenju ponuda:** Nije traženo pojašnjenje ponuda;
- n) **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljena ponuda je uredno zapakovana, cijena bez PDV-a upoređena u obrascima Aneks 2 i Aneks 3, identična u oba obrasca;
- o) **Analitički prikaz traženih i dostavljenih dokaza profesionalne i tehničke sposobnosti ponuđača:** U skladu sa tačkom k) ovog Zapisnika;
- p) **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Zaprimljena ponuda ispunjava sve zahtjeve u pogledu opisa predmeta nabavke i Tehničke specifikacije usluga;
- q) **Podaci o ispravkama računskih grešaka u ponudama ako ih je bilo:** Prilikom računске kontrole ponude Komisija za nabavke nije uočila računске greške;
- r) **Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nema ponuđača čije se ponude odbijaju;
- s) **Razlozi za odbijanje ponude zbog neprirodno niske cijene:** Nije primjenjivo;
- t) **Analiza prihvatljivih ponuda prema kriteriju za izbor ponude:** Budući da je ponuda ponuđača **MANKO velemotor d.o.o. Sarajevo** jedina dostavljena i ispunjava sve kvalifikacione kao i ostale uslove i zahtjeve propisane tenderskom dokumentacijom te su dostavljeni svi dokazi na propisan način, Komisija za nabavku daje preporuku da se ugovor za predmetnu nabavku dodijeli navedenom ponuđaču sa ukupnom ponudenom cijenom za Okvirni sporazum u iznosu od 19.990,00 KM bez PDV-a, odnosno 23.388,30 KM sa uračunatim PDV-om.
- u) **Provođenje e-aukcije u skladu sa Pravilnikom o uslovima i načinu korištenja e-aukcije („Sl.glasnik BiH“ broj 80/23):** Ugovorni organ je u tenderskoj dokumentaciji i Obavještenju o nabavci za predmetnu nabavku predvidio održavanje e-aukcije. S obzirom na to da je Komisija utvrdila da je zaprimljena 1 (jedna) ponuda te da je ista prihvatljiva, e-aukcija se ne može zakazati, u skladu sa članom 3. stav (3) Pravilnika o

uslovima i načinu korištenja e-aukcije („Sl. glasnik BiH“ broj 80/23), nego se postupak okončava u skladu sa članom 69. Zakona;

- v) **Rangiranje prihvatljivih ponuda prema kriteriju za izbor ponude:** U skladu sa tačkom 9.1.1. tenderske dokumentacije kriterij za dodjelu ugovora je „najniža cijena“.

Okvirni sporazum

Naziv ponuđača	Cijena bez PDV-a (KM)	Popust (%)	Cijena sa popustom i bez PDV-a (KM)	PDV (17%) u KM	Ukupna cijena sa popustom i PDV-om (KM)
MANKO velemotor d.o.o. Sarajevo	19.990,00	0%	19.990,00	3.398,30	23.388,30

- w) **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Ugovorni organ namjerava sklopiti ugovor sa ponuđačem MANKO velemotor d.o.o. Sarajevo, sa registrovanim sjedištem u ulici Trešnje 62, 71210 Ilidža, ID broj: 4200068110002, iz razloga što je jedini dostavio ponudu u predmetnom postupku, a ista je prihvatljiva;
- x) **Podaci o dijelu ugovora koji se daje u podugovor i podaci o podizvođaču:** Ponuđač nije izrazio namjeru podugovaranja;
- y) **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Ponuđač uz ponudu nije dostavio dokumente kojiim dokazuje ispunjavanje uslove lične sposobnosti na osnovu člana 45. stav (1) tač. a) do d) Zakona te je **iste obavezan dostaviti**, u roku od 5 (pet) dana od dana prijema Odluke o izboru najpovoljnijeg ponuđača;
- z) **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Predlaže se direktoru JP Autoceste FBiH d.o.o. Mostar da za nabavku usluga: „Redovno i vanredno servisiranje i održavanje modula visokog pritiska Oertzen HDL 200 s motorom Briggs&Stratton“ donese odluku kojom se:
- Okvirni sporazum u ukupnoj vrijednosti od 23.388,30 KM sa uračunatim PDV-om dodjeljuje ponuđaču: MANKO velemotor d.o.o. Sarajevo, koji je dostavio prihvatljivu ponudu i koja ispunjava sve uslove i zahtjeve propisane tenderskom dokumentacijom;
- aa) **Datum završetka postupka pregleda i ocjene ponuda:** Komisija je završila pregled i ocjenu ponuda dana 28.01.2025. godine;
- bb) **Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja,**

objašnjenja, prihvatanje ispravke, mišljenje stručne službe ugovornog organa ili stručne osobe, i sl.): Ovaj zapisnik nema prilog;


cc) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Amela Krivošija, predsjednik komisije

Edin Sijamić, član komisije

Nermin Bojčić, član komisije



Saglasan:

Denis Lasić,
Direktor

